

Sakspapir

Saksbehandler	Arkiv	ArkivsakID
Jan Erik Boge	FE-033, TI-&16	20/260

Saksnr	Utvalg	Type	Dato
090/2020	Kommunestyret	PS	03.12.2020

Val av ny 4. varamedlem for grupperinga Bygdalista, Framstegspartiet og Kristeleg Folkeparti i naturutvalet

Saksopplysninger:

Dokument som ikkje er vedlagt:

Kommunelova (<https://lovdata.no/dokument/NL/lov/2018-06-22-83>)

Kva saka gjeld:

I kommunestyresak 071/2020 vedtok kommunestyret 28.10.2020 at Oskar Konrad Kienitz (Bygdalista) trer ut av verva sine som folkevald i Samnanger kommune med verknad frå 29.10.2020. Bakgrunnen for dette er at han har meldt flytting til annan kommune.

Som følge av vedtaket må det veljast ny 4. varamedlem for grupperinga Bygdalista, Framstegspartiet og Kristeleg Folkeparti i naturutvalet. Dette valet vart ikkje gjort i kommunestyremøtet 28.10.2020.

Lovgrunnlag

Reglar om opprykk, nyval og supplering står i kommunelova § 7-10. I fjerde avsnitt i denne paragrafen står det følgjande:

«Hvis et medlem eller varamedlem av et annet folkevalgt organ enn kommunestyre, fylkesting, kommunestyrekomité eller fylkestingskomité trer endelig ut, skal det velges et nytt medlem eller varamedlem. Det nye medlemmet skal velges fra den samme gruppen som det uttredende medlemmet tilhørte. Hvis dette vil føre til at ett kjønn vil bli representert med mindre enn 40 prosent av medlemmene i organet, skal det, hvis det er mulig, velges et nytt medlem fra det underrepresenterte kjønn.»

Etter reglane i sjuande avsnitt i § 7-10 skal den nye varamedlemmen tre inn på den same varamedlemsplassen i naturutvalet som Oskar Konrad Kienitz hadde (4. varamedlem for for grupperinga Bygdalista, Framstegspartiet og Kristeleg Folkeparti). Grupperinga må sjølv foreslå kandidat til denne varamedlemsplassen.

Grupperinga vil i dette tilfellet ha høve til å velja om ei kvinne eller ein mann skal vera kandidat, fordi dei andre varamedlemmene til grupperinga i dag er to kvinner og to menn.

For å vera valbar, må kandidaten oppfylle følgjande vilkår, jf. reglar i kommunelova § 7-2 tredje avsnitt:

- Han eller ho har stemmerett ved kommunestyre- og fylkestingsvalg.
- Han eller ho er innført i folkeregisteret som busett i kommunen eller i ein av kommunane i fylket på tidspunktet for det aktuelle valet.

- c. Han eller ho har skriftleg samtykka til å stilla til val.

Grupperinga sjølv må innhenta skriftleg samtykke frå kandidaten før handsaminga i kommunestyret.

Forslag til vedtak:

Rådmannen sitt framlegg til vedtak:

Saka vert lagt fram utan tilråding frå rådmannen.

Kommunestyret - 090/2020

ks - behandling:

Ordførar Knut Harald Frøland (Bl) sette fram følgjande framlegg om ny 4. varamedlem i naturutvalet for grupperinga Bygdalista, Framstegspartiet og Kristeleg Folkeparti:

- *Bjarte Linga (Bl)*

ks - vedtak:

Bjarte Linga (Bl) vert ny 4. varamedlem i naturutvalet for grupperinga Bygdalista, Framstegspartiet og Kristeleg Folkeparti.

, den 23.11.2020

Jan Erik Boge
leiande rådgjevar